



Pou Biblikasyon Imedya: 05/04/2023

GOUVÈNÈ KATHY HOCHUL

**GOUVÈNÈ HOCHUL PIBLIYE PWOKLAMASYON KI DEZIYEN 5 AVRIL KÒM
'JOUNEN POU KÒMANSE KWÈ' POU DEMONSTRE SIPÒ POU SIVIVAN
AGRESYON SEKSYÈL YO**

*New York ap patisce nan kanpay global la pou sansibilize sou enpòtans pou
sipòte sivivan yo*

*Kanpay la ap chèche edike fanmi yo, zanmi yo, kòlèg yo, fòs lòd la ak lòt
pwofesyonèl yo sou fason yo ka amelyore repons yo si yon moun revele yon
agresyon*

Li pwoklamasyon an isit la

Gouvènè Kathy Hochul jodi a te pibliye yon [pwoklamasyon](#) ki deziyen 5 Avril kòm Jounen pou Kòmanse Kwè (Start by Believing Day), ki fè pati yon kanpay nasyonal pou sansibilize sou enpòtans pou sipòte sivivan agresyon seksyèl yo. Jounen pou Kòmanse Kwè a se yon pati nan efò nasyonal [End Violence Against Women International](#) la pou edike fanmi yo, zanmi yo, kòlèg yo, ak fòs lòd la ak lòt pwofesyonèl yo sou fason yo ka amelyore repons yo si yon moun revele yon agresyon.

"Yo dwe trete sivivan agresyon seksyèl avèk sipò, diyite, konpasyon ak jistis", **Gouvènè Hochul te deklare**. "Lè nou amplifye vwa sa yo epi koute istwa yo, nou ka kontinye pran dispozisyon pou n fè vrè chanjman epi ekipe sivivan yo."

Gouvènè Adjwen Antonio Delgado te deklare, "Nan New York, nou koute sivivan yo epi nou kwè nan sivivan yo. Nou fyè pou nou pran mezi sa yo pou konbat agresyo seksyèl, bati kominate ki pi an sekirite, epi asire sivivan yo gen resous, sipò ak respè yo merite. Vwa ou enpòtan epi yo pral toujou tande li."

Sèjan Joanne Archambault (Retrete), Fondatè ak Direktris Egzekitif Jeneral End Violence Against Women International, te deklare, "Nan Jounen pou Kòmanse Kwè a, kominate yo atravè mond lan inifye an yon sèl vwa pou viktim agresyon seksyèl yo: Nou tande ou, epi nou la pou ede. Li ekselan pou nou gen anpil Nouyòkè ki reponn ak apèl la epi ede transfòme repons bay sivivan yo. Nou remèsye Gouvènè Hochul, manm Kabinè li a, ak pwofesyonèl sekirite publik eta a pou sipò yo epi ankouraje tout moun sonje ke senp aksyon pou koute ak kwè yo ka sove lavi."

Manm Kabinè Gouvènè Hochul te rejwenn kanpay la, yo te pataje sipò yo sou rezo sosyal yo epi yo te pran [angajman Jounen pou Kòmanse Kwè a](#). Jiska dat, plis pase 12,000 òganizasyon ak moun te fè sa. Jounen pou Kòmanse Kwè a fèt chak ane nan mwa avril paske yo deziyen mwa nasyonalman ak nan New York kòm [Mwa Konsyantizasyon sou Agresyon Seksyèl](#).

Moun ke yo te agrese seksyèlman gen plis chans pou yo di yon zanmi, yon moun pwòch yo oswa yon manm fanmi. Si revelasyon yo fè fas ak enkredilite, dout, oswa lawont, yo gen mwens chans pou rapòte ensidan an bay lapolis oswa chèche èd pou twomatiz fizik oswa emosyonèl. Sa a lakòz plis domaj nan byennèt fizik ak sikolojik yo. End Violence Against Women International (EVAWI) te kreye kanpay Jounen pou Kòmanse Kwè a pou edike pwofesyonèl yo ak piblik la sou efè negatif sa yo epi pataje enfòmasyon ak resous pou ekipe moun yo pou yo eksploré opsyon yo ak pwochen etap yo.

Elizabeth Cronin, ki se Direktris Biwo Sèvis pou Viktim yo (Office of Victim Services, OVS), te deklare, "Nou konnen ke anpil viktим agresyon seksyèl pa rapòte bay lapolis, men yo ka ezite chèche swen medikal tou, ki vle di yo pa jwenn swen fizik ak emosyonèl yo bezwen nan yon moman ki ekstrèmman difisil. Kòm yon ansyen pwokirè viktим espesyal, mwen te wè pèsònèlman ki jan aksè ak swen ak sipò ka fè tout diferans nan lavi yon moun ak volonte yo pou angaje yo ak sistèm jistis kriminèl la pou rann moun ki komèt krim yo responsab. Mwen bat bravo pou Gouvènè Hochul dèské li anbrase kanpay sa a epi li travay chak jou pou asire ke yo tandé, respekte ak kwè viktим yo ak sivivan yo."

Direktris Egzekitif Biwo pou Prevansyon Vyolans Domestik Ian Kelli Owens te deklare, "Nou ka retire estigma ak plis twomatiz lè nou kwè nan sivivan yo ki revele yon agresyon seksyèl. Ajans nou an pran angajman pou I kwè sivivan yo ak onore kouraj yo kòm yon poto mitan nan efò eta a ap fè pou konstwi yon sistèm livrezon sèvis ki pi santre sou sivivan yo, ki pran an konsiderasyon twomatiz, epi ki reponn kiltirèlan ak patnè nou yo nan Biwo Sèvis Viktim (Office of Victim Services, OVS) lan. Mèsi, Gouvènè Hochul paske w rekonèt 'Jounen pou Kòmanse Kwè a' nan Eta New York epi paske ou sipòte sivivan agresyon seksyèl ak tout vyolans ki baze sou sèks yo."

Biwo Sèvis Viktim (OVS) lan finanse ak sipòte 239 pwogram asistans pou viktим nan tout eta a ki bay sèvis esansyèl, tankou konsèy pou kriz, gwoup sipò, jesyon ka, abri ijans, èd legal civil, ak asistans pou demenajman, pami lòt asistans, pou viktим yo ak sivivan agresyon seksyèl ak lòt krim, ak fanmi yo.

Moun yo ka vizite ovs.ny.gov/connect pou jwenn pwogram sa yo, ki bay sèvis gratis epi kèlkeswa si yon moun te rapòte krim lan bay lapolis. Liy Asistans pou Vyolans Domestik ak Seksyèl Eta New York la (New York State's Domestic and Sexual Violence Hotline) disponib pou sipò konfidansyèl ak defans 24/7: 800-942-6906 (vokal), 844-997-2121 (tèsk) ak opdv.ny.gov (tchat).

OVS tou [dirèkteman ranbouse founisè medikal yo pou depans pou yon egzamen medikolegal pou vyòl \(forensic rape examinations, FRE\)](#) si yon moun pa gen asirans sante prive oswa li chwazi pa itilize asirans sante prive yo pou egzamen an. Mezi sa a se yon eksepsyon ak règ peyè dènye rekou ajans lan epi li pwoteje vi prive viktim yo. Ajans lan aksepte tou reklamasyon FRE olye rapò lapolis yo, ki pèmèt moun yo chèche asistans finansye ak ranbousman nan men OVS pou lòt depans ki gen rapò ak krim nan.

Prezidan Komisyon Koreksyon an Allen Riley te deklare, "Agresyon seksyèl twò dominan, men nan sosyete nou an, nou ezite kwè nan temwanyaj viktim ki prezante yo, sitou si moun sa yo revele yon ensidan ki te fèt pandan yo te nan prizon. Pandan n ap sipòte sivivan yo epi avanse dwa yo, li enpòtan pou nou ogmante tou enpòtans pou rapòt bay fòs lòd la pou otè krim yo ka vin responsab, epi pou nou redwi viktimizasyon. Mwen remèsyé Gouvènè Hochul pou devouman li anvè viktim yo ak patenarya li pou fè New York vin pi an sekirite pou tout moun."

Komisè Divizyon Sèvis Jistics Kriminèl la, Rossana Rosado, te deklare, "Divizyon Sèvis Jistics Kriminèl la bay finansman pou depatman polis yo, pwokirè yo, ak pwogram kont kriz vyòl yo, epi distribye kit pou kolekte prèv ofans seksyèl bay lopital yo ak etablisman swen sante yo gratis. Resous sa yo ede fòs lòd yo, defansè viktim yo ak pwofesyonèl medikal yo pi byen sipòte moun ki deside ak kouraj di laverite yo epi revele agresyon pa yo. Nou pral toujou kanpe ak viktim yo ak sivivan yo epi kontinye travay nou pou ede asire yon sistèm jistics kriminèl ki jis ak ekitab ki trete tout Nouyòkè yo avèk diyite ak respè yo merite."

Komisè Divizyon Sekirite Teritwa ak Sèvis pou Ijans lan, Jackie Bray, te deklare, "Kantite fanm ak gason ki pral fè eksperyans agresyon oswa abi seksyèl nan lavi yo etonan, epi pou twòp moun, abi a kòmanse pandan ane adolesan yo. Agresyon seksyèl ak abi seksyèl ap pwospere an silans. Se sèlman lè kwè nan sivivan yo nou ka kreye sekirite ki nesesè pou moun yo rakonte verite pa yo, rakonte istwa yo, epi kòmanse geri. Epi se sèlman lè nou kreye espas pou sivivan yo prezante yo nou pral ka rann otè krim yo responsab."

Komisè Divizyon Dwa Moun lan, Maria Imperial, te deklare, "Nan Divizyon Dwa Moun Eta New York la, nou ankouraje jistics pou sèks lè nou kanpe kont arasman ak vyalans. Sa a kòmanse nan koute ak nan kwè nan istwa fanm yo ak tifi yo. Misyon nou se asire diyite ak otonomi pou tout moun. Dwa fanm yo se dwa moun; nou fyè pou nou pran angajman sa a."

Komisè pa Entèrim Depatman Koreksyon ak Sipèvizyon Kominotè, Anthony J. Annucci, te deklare, "Li enpòtan pou nou kwè viktim ak sivivan agresyon seksyèl yo kèlkeswa kote atak la rive. Tout sivivan merite sipò nou, epi tout moun ki komèt krim yo bezwen mennen yo devan jistics. Mwen bat bravo pou Gouvènè Hochul pou lidèchip solid li sou pwoblèm enpòtan sa a."

Komisè Depatman Sèvis Veteran an, Viviana DeCohen, te deklare, "Kòm yon ajans ki dirje pa Veteran pou Veteran, nou konprann enpòtans pou nou kwè ak sipòte youn lòt nan moman ki pi difisil nou yo. Konnen ke nou wè ou, nou kwè ou epi nou kanpe pare pou ede ou. Jounen pou Kòmanse Kwè a bay yon opòtinite pou nou vin pi byen enfòme ak ekipe pou sèvi ak sipòte sivivan agresyon seksyèl yo nan pakou gerizon ak otonomi pa yo."

Sirentandan Enterimè Lapolis Eta New York la, Steven A. Nigrelli, te deklare, "Pote jistik bay viktим agresyon seksyèl yo epi ekipe moun yo pou yo fè yon diferans se yon priyrite pou Lapolis Eta New York la. Atravè travay devwe envestisè nou yo, nou ede bay viktим yo mwayer ki an sekirite ak sipò pou yo rapòte agresyon ak vyolans. Lè nou ogmante sansibilizasyon sou agresyon seksyèl epi ankouraje viktим yo pou yo rapòte, nou ka ede diminye ensidan agresyon seksyèl yo, epi sispann vyolans seksyèl sou tout fòm. Mwen bat bravo pou Gouvènè a pou defans li epi paske li mete aksan sou pwoblèm enpòtan sa a."

Jeneral Adjwen Eta New York, Majò Jeneral Raymond Shields, te deklare, "Gad Nasional New York la angaje nan yon anviwonman kote gason ak fanm nou yo ka pwospere, pandan y ap sèvi eta ak nasyon nou an. Yo rapòte chak akizasyon agresyon seksyèl san restriksyon bay Lapolis Eta New York la. Nou pran chak agresyon ak asèlman seksyèl oserye epi asire ke yo tande Sòlda ak Avyatè nou yo, epi yo trete ka yo yon fason responsab. Pi gwo priyrite nou se sekirite Sòlda ak Avyatè nou yo."

Enfòmasyon sou Biwo Sèvis pou Viktim

Biwo Sèvis Viktim finanse ak sipòte yon rezo pwogram asistans pou viktим nan tout eta a epi li bay yon rezo sekirite finansye enpòtan pou moun ki gen depans ki gen rapò ak yon krim men ki pa gen lòt resous pou peye yo. Ajans la bay tou asistans finansye ak ranbousman pou viktим krim ki elijib yo ak fanmi yo pou depans medikal ak konsèy, depans pou fineray ak antèman, pèt salè ak sipò, anplis lòt asistans yo. Swiv Biwo Sèvis pou Viktim lan sou Twitter ak Facebook.

###

Lòt nouvèl disponib sou sit www.governor.ny.gov
Eta New York | Chanm Egzekitif | press.office@exec.ny.gov | 518.474.8418

[ANILE ENSKRIPSYON OU](#)